



盛唐彙詩卷第六

四唐彙詩七十六

長樂郡
振聲也
詩子也

新都

吳勉學

編輯

陸慶祥

校訂

五言古體

述感

千春亦古風六十一首

李白

大雅久不作吾衰竟誰陳
王風委蔓草戰國多荆榛
龍虎相啖食兵戈逮狂秦
正聲何微茫哀怨起騷人
揚馬激頽波開流蕩無垠
廢興雖萬

變意章亦已淪自從建安來綺麗不足珍聖代
復元古垂衣貴清真群才屬休明乘運共躍鱗
文質相炳煥衆星羅秋旻我志在刪述垂輝映
千春希聖如有立絕筆於獲麟

又

蟾蜍薄太清蝕此瑤臺月圓光虧中天金魄遂
淪沒蝶竦入紫微大明夷朝輝浮雲隔兩曜萬
象昏陰霏蕭蕭長門宮昔是今已非桂蠹花不
實天霜下嚴威沈歎終永夕感我涕沾衣

又

秦皇掃六合虎視何雄哉揮劍決浮雲諸侯盡
西來明斷自天啓大略駕群才收兵鑄金人函
谷正東開銘功會稽嶺騁望瑯琊臺刑徒七十
萬起土驪山隈尚采不死藥茫然使心哀連弩
射海魚長鯨正崔魏額鼻象五嶽揚波噴雲雷
鬢鬣蔽青天何由覩蓬萊徐氏載秦女樓船幾
時迴但見三泉下金棺葬寒灰

又

鳳飛九千仞五章備綵珍銜書且虛歸空入周
與秦橫絕歷四海所居未得鄰吾營紫河車千
載落風塵藥物秘海嶽採鉛清谿濱時登大樓
山舉手望仙真羽駕滅去影飈車絕廻輪尚恐
丹液遲志願不及申徒霜鏡中髮羞彼鶴上人
桃李何處開此花非我春唯應清都境長與韓
衆親

又

太白何蒼蒼星辰上森列去天三百里邈爾與

世絕中有綠髮翁披雲臥松雪不笑亦不語冥
棲在巖穴我來逢真人長跪問寶訣粲然忽自
哂授以鍊藥說銘骨傳其語竦聲已電滅仰望
不可及蒼然五情熱吾將營丹砂永與世人別

又

岱馬不思越越禽不戀燕情性有所習土風固
其然昔別鴈門關今戍龍庭前驚沙亂海日飛
雪迷胡天蟣蝨生虎鶻心魂逐旌旃苦戰功不
賞忠誠難可宣誰憐李飛將白首沒三邊

鳳飛九千仞五章備綵珍銜書且虛歸空入周
與秦橫絕歷四海所居未得鄰吾營紫河車千
載落風塵藥物秘海嶽採鉛清谿濱時登大樓
山舉手望仙真羽駕滅去影飈車絕廻輪尚恐
丹液遲志願不及申徒霜鏡中髮羞彼鶴上人
桃李何處開此花非我春唯應清都境長與韓
衆親

又

太白何蒼蒼星辰上森列去天三百里邈爾與

世絕中有綠髮翁披雲臥松雪不笑亦不語冥
棲在巖穴我來逢真人長跪問寶訣粲然忽自
哂授以鍊藥說銘骨傳其語竦聲已電滅仰望
不可及蒼然五情熱吾將營丹砂永與世人別

又

岱馬不思越越禽不戀燕情性有所習土風固
其然昔別鴈門關今戍龍庭前驚沙亂海日飛
雪迷胡天蟣蝨生虎鶻心魂逐旌旃苦戰功不
賞忠誠難可宣誰憐李飛將白首沒二邊

又

客有鶴上仙飛飛凌太清揚言碧雲裏自道安
期名兩兩白玉童雙吹紫鸞笙去影忽不見迴
風送天聲舉首遠望之飄然若流星願餐金光
草壽與天齊傾

又

咸陽二三月宮柳黃金枝綠幘誰家子賣珠輕
薄兒日暮醉酒歸白馬驕且馳意氣人所仰冶
遊方及時子雲不曉事晚獻長楊辭賦達身已

老草玄鬢若絲投閣良可歎但爲此輩嗤

又

莊周夢蝴蝶蝴蝶爲莊周一體更變易萬事良
悠悠乃知蓬萊水復作清淺流青門種瓜人舊
日東陵侯富貴固如此營營何所求

又

齊有個儻生魯連特高妙明月出海底一朝開
光曜却秦振英聲後世仰未照意輕千金贈顧
向平原笑吾亦澹蕩人拂衣可同調

又
黃河走東溟白日日落西海逝川與流光飄忽不
相待春容捨我去秋髮已衰改人生非寒松年
貌豈長在吾當乘雲螭吸景駐光彩

又

松柏本孤直難爲桃李顏昭昭嚴子陵垂釣滄
波間身將客星隱心與浮雲閑長揖萬乘君還
當富春山清風灑六合邈然不可攀使我長歎
息冥棲巖石間

又

君平旣棄世世亦棄君平觀變窮太易探元化
羣生寂寞綴道論空簾閉幽情騶虞不虛來鸞
鷲有時鳴安知天漢上白日懸高名海客去已
久誰人測沉冥

又

胡關饒風沙蕭索竟終古歲落秋草黃登高陞
戎虜荒城空大漠邊邑無遺堵白骨橫千霜嵯
峨蔽榛莽借問誰凌霄天驕毒威武赫怒我聖

皇勞師事輦鼓陽和變殺氣發卒騷中士三十
六萬人哀哀淚如雨且悲就行役安得營農圃
不見征戍兒豈知關山苦李牧今不在邊人飼
豺虎

又

燕昭延郭隗遂築黃金臺劇辛方趙至鄒行復
齊來奈何青雲士棄我如塵埃珠玉買歌笑糟
糠養賢才方知黃鶴舉千里獨徘徊

又

寶劍雙蛟龍雪花照芙蓉精光射天地雷騰不
可衝一去別金匣飛沈失相從風胡滅已久所
以潛其鋒吳水深萬丈楚山邈千重雌雄終不
隔神物會當逢

又

金華牧羊兒乃是紫煙客我願從之遊未去髮
已白不知繁華子擾擾何所迫崑山采瓊蕊可
以煉精魄

又

天津三月時千門桃與李朝爲斷腸花暮逐東
流水前水復後水古今相續流新人非舊人年
年橋上遊雞鳴海色動謁帝羅公侯月落西上
陽餘輝半城樓衣冠照雲日朝下散皇州鞍馬
如飛龍黃金絡馬頭行人皆辟易志氣橫嵩丘
入門上高堂列鼎錯珍羞香風引趙舞清管隨
齊謳七十紫鴛鴦雙雙戲庭幽行樂爭晝夜自
言度千秋功成身不退自古多愆尤黃犬空歎
息綠珠成冢讎何如鷓鴣子散髮棹扁舟

又

西嶽蓮花山迢迢見明星素手把芙蓉虛步躡
太清霓裳曳廣帶飄拂昇天行邀我登雲臺高
揖衛叔卿恍恍與之去駕鴻凌紫冥俯視洛陽
川茫茫走胡兵流血塗野草豺狼盡冠纓

又

昔我遊齊都登華不注峰茲山何峻秀綠翠如
芙蓉蕭颯古仙人了知是赤松借予一白鹿自
挾兩青龍含笑凌倒景欣然願相從

又
泣與親友別欲語再三咽勗君青松心努力保
霜雪世路多險艱白日欺紅顏分首各千里去
去何時還

又

在時復幾世倏如飄風度空聞紫金經白首愁
相誤撫已忽自笑沈吟爲誰故名利徒煎熬安
得閑余步終留赤玉舄東上蓬萊路秦帝如我
求蒼蒼但煙霧

又

郢客吟白雪遺響飛青天徒勞歌此曲舉世誰
爲傳試爲巴人唱和者乃數千吞聲何足道歎
息空悽然

又

秦水別隴首幽咽多悲聲胡馬顧朔雪躑躅長
嘶鳴感物動我心緬然含歸情昔視秋蛾飛今
見春蠶生嫋嫋桑柘葉萋萋柳垂榮急節謝流
水羈心搖懸旌揮涕且復去惻愴何時平

又

秋露白如玉團團下庭綠我行忽見之寒早悲
歲促人生猶鳥過胡乃自結束景公一何愚牛
山淚相續物苦不知足登隴又望蜀人心若波
瀾世路多屈曲三萬六千日夜夜當秉燭

又

大車揚飛塵亭午暗阡陌中貴多黃金連雲開
甲宅路逢鬪雞者冠蓋何輝赫鼻息干虹蜺行
人皆怵惕世無洗耳翁誰知堯與跖

又

世道日交喪澆風散淳源不采芳桂枝反棲惡
木根所以桃李樹吐花竟不言大運有興沒羣
動爭飛奔歸來廣成子去入無窮門

又

碧荷生幽泉朝日豔且鮮秋花冒綠水密葉羅
青煙秀色空絕世馨香誰見傳坐看飛霜滿凋
此紅芳年結根未得所願託華池邊

又

燕趙有秀色綺樓青雲端眉目豔皎月一笑傾
城歡常恐碧草晚坐泣秋風寒織手怨玉琴清
晨起長歎焉得偶君子共乘雙飛鸞

又

容顏若飛電時景如飄風草綠霜已白日西月
復東華髮不耐秋颯然成衰蓬古來賢聖人一
一誰成功君子變猿鶴小人爲沙蟲不及廣成
子乘雲駕輕鴻

又

三季分戰國七雄成亂麻王風何怨怒世道終
紛拏至人洞玄象高舉凌紫霞仲尼亦浮海吾
祖之流沙聖賢共淪沒臨岐胡咄嗟

又

玄風變太古道喪無時還擾擾季葉人雞鳴趨
四關但識金馬門誰知蓬萊山白首死羅綺笑
歌無時閑綠酒晒丹液青娥凋素顏大儒揮金
槌琢之詩禮間蒼蒼三珠樹冥目焉能攀

又

鄭客西入關行行未能已白馬華山君相逢平
原里壁遺鎬池君明年祖龍死秦人相謂曰吾
屬可去矣一往桃花源千春隔流水

又

蓐收肅金氣西陸弦海月秋蟬號階軒感物憂
不歇良辰竟何許大運有淪忽天寒悲風生夜
久衆星沒惻惻不忍言哀歌逮明發

又

北溟有巨魚身長數千里仰噴三山雪橫吞百

川水憑陵隨海運烜赫因風起吾觀摩天飛九
萬方未已

又

羽檄如流星虎符合專城喧呼救邊急羣鳥皆
夜鳴白日曜紫微三公運權衡天地皆得一澹
然四海清借問此何爲荅言楚徵兵渡瀘及五
月將赴雲南征怯卒非戰士炎方難遠行長號
別嚴親日月慘光晶泣盡繼以血心摧兩無聲
困獸當猛虎窮魚餌奔鯨千去不一回投軀豈

全生如何舞干戚一使有苗平

又

醜女來效顰還家驚四鄰壽陵失本步笑殺邯鄲人一曲斐然子雕蟲喪天真棘刺造沐猴三年費精神功成無所用楚楚且華身太雅思文王頌聲久崩淪安得郢中質一揮成斧斤

又

抱玉入楚國見疑古所聞良寶終見棄徒勞三獻君直木忌先伐芳蘭哀自焚盈滿天所損沈

冥道爲羣東海汎碧水西關乘紫雲層連及柱史可以躡清芬

又

燕臣昔慟哭五月飛秋霜庶女號蒼天震風擊齊堂精誠有所感造化爲悲傷而我竟何辜遠身金殿傍浮雲蔽紫闥白日難回光羣沙穢明珠衆草凌孤芳古來共歎息流淚空沾裳

又

孤蘭生幽園衆草共蕪沒雖照陽春暉復悲高

秋月飛霜草漸瀝綠豔恐休歇若無清風吹香氣爲誰發

又
登高望四海天地何漫漫霜被羣物秋風飄大荒寒榮華東流水萬事皆波瀾白日掩徂輝浮雲無定端梧桐巢燕雀枳棘棲鷓鴣且復歸去來劔歌行路難

又
鳳饑不啄粟所食唯琅玕焉能與羣雞刺促爭

一餐朝鳴崑丘樹夕飲砥柱湍歸飛海路遠獨宿天霜寒幸遇王子晉結交青雲端懷思未得報感別空長歎

又

朝弄紫泥海夕披丹霞裳揮手折若木拂此西日光雲舉遊八極玉顏已千霜飄飄入無倪稽首祈上皇呼我遊太素玉杯賜瓊漿一餐歷萬歲何用還改鄉永隨長風去天外恣飄揚

又

搖裔雙白鷗鳴飛滄江流宜與海人狎豈伊雲
鶴儔寄形宿沙月沿芳戲春洲吾亦洗心者忘
機從爾遊

又

周穆八荒意漢皇萬乘尊淫樂心不極雄豪安
足論西海宴王母北宮邀上元瑤水聞遺歌玉
杯竟空言靈跡成蔓草徒悲千載魂

又

綠蘿紛葳蕤繚繞松栢枝草木有所託歲寒尚

不移奈何天桃色坐歎葑菲詩玉顏豔紅彩雲
髮非素絲君子恩已畢賤妾將何爲

又

八荒馳驚颺萬物盡凋落浮雲蔽頽陽洪波振
大壑龍鳳脫網罟飄颻將安託去去乘白駒空
山詠場藿

又

一百四十年國容何赫然隱隱五鳳樓峨峨橫
三川王侯象星月賓客如雲煙鬪雞金宮裏蹴

躡瑤臺邊舉動搖白日指揮回青天當塗何翁
忽失路長棄捐獨有揚執戟閉關草太玄

又

桃花開東園含笑誇白日偶蒙東風榮生此豔
陽質豈無佳人色但恐花不實宛轉龍火飛雲
落早相失詎知南山松獨立自蕭颯

又

秦王按寶劍赫怒震威神逐日巡海右驅石駕
滄津徵卒空九寓作橋傷萬人但求蓬島藥豈

思農鳳春力盡功不贍千載爲悲辛

又

美人出南國灼灼芙蓉姿皓齒終不發芳心空
自持由來紫宮女共妬青蛾眉歸去瀟湘沚沈
吟何足悲

又

宋國梧臺東野人得燕石誇作天下珍却哂趙
王璧趙璧無緇磷燕石非貞真流俗多錯誤豈
知玉與珉

又

殷后亂天紀楚懷亦已昏夷羊滿中野菘蔬盈
高門比干諫而死屈平竄湘源虎口何婉變女
頽空嬋媛彭咸久淪沒此意與誰論

又

青春流驚湍朱明驟迴薄不忍看秋蓬飄揚竟
何托光風滅蘭蕙白露灑葵藿美人不我期草
木日零落

又

戰國何紛紛兵戈亂浮雲趙倚兩虎鬪晉爲六
卿分姦臣欲竊位樹黨自相羣果然田成子一
旦殺齊君

又

倚劍登高臺悠悠送春日蒼榛蔽層丘瓊草隱
深谷鳳鳥鳴西海欲集無珍木鸞斯得所居蒿
下盈萬族晉風日已頽窮途方慟哭

又

齊瑟彈東吟秦絃弄西音慷慨動顏魄使人成

亮淫彼美佞邪子婉變來相尋一笑雙白璧再
歌千黃金珍色不貴道詎惜飛光沈安識紫霞
客瑤臺鳴玉琴

又

越客采明珠提攜出南隅清輝照海月美價傾
鴻都獻君君按劍懷寶空長吁魚日復相哂寸
心增煩紆

又

羽族稟萬化小大各有依周周亦何辜六翮掩

不揮願銜衆禽翼一向黃河飛飛者莫我顧歎
息將安歸

又

我行巫山渚尋古登陽臺天空彩雲滅地遠清
風來神女去已久襄王安在哉荒淫竟淪沒樵
牧徒悲哀

又

惻惻泣路岐哀哀悲素絲路岐有南北素絲易
變移谷風刺輕薄交道方嶮巖斗酒強然諾寸

心終自疑張陳竟火滅蕭朱亦星離衆鳥集榮
柯窮魚守枯池嗟嗟失歡客勤問何所規

盛唐彙詩卷第六

四唐彙詩七十六

盛唐彙詩卷第七

四唐彙詩七十七

新都 吳勉學 編輯

陸麀祥 校訂

五言古體

述感

古意四首

常建

牧馬古道傷道傷多古墓蕭條愁殺人蟬鳴白
楊樹回頭望京邑合杏生塵霧富貴安可常歸
來保貞素

又

二妃方訪舜萬里南方懸遠道隔江漢孤舟無
歲年不知蒼梧處氣盡呼青天愁淚變楚竹蛾
眉喪湘川後人立爲廟累世稱其賢過客設祠
祭狐狸來坐邊懷古未忍還猿吟徹空山

又

明月照高閣綵女褰羅幕歌舞臨碧雲簫聲沸
珠箔青鸞臨南海天上雙白鶴萬里齊翼飛意
求君門樂玉霄九重閉金鎖夜不開兩翅自無

力愁鳴雲外來態深入空貴世屈無良媒俛仰
顧中禁東飛白玉臺

又

一作祖
詠詩

楚王竟何去獨自留巫山偏使世人見迢迢江
漢間駐舟春谿裏皆願拜靈顏寤寐見神女金
紗鳴珮環閑豔絕世姿令人氣力微含笑竟不
語化作朝雲飛

又二首

祖詠

夫差日淫放舉國求妃嬪自謂得王寵代間無

美人碧羅象天閣坐輦乘芳春宮女數千騎常
遊江水濱年深玉顏老時薄花妝新拭淚下金
殿嬌多不顧身生前妬歌舞死後同灰塵塚墓
令人哀哀於銅雀臺

又二首

賀蘭進明

秦庭初指鹿羣盜滿山東忤意皆誅死所言誰
肯忠武關猶未啓兵入望夷宮爲祟非涇水人
君道自窮

又

崇蘭生澗底香氣滿幽林采采欲爲贈何人是
同心日暮徒盈把徘徊憂思深慨然紉雜佩重
奏丘中琴

又

閻寬

庭樹發華滋瑤草復葳蕤好鳥飛相從愁人深
此時天中有靈匹日夕蟬蛾睂願逐飄風花千
里入遙帷心逝愛不見空歌悲莫悲

古興

常建

漢上逢老翁江口爲僵屍白髮沾黃泥遺骸集

烏鴟機巧自此忘精魄今何之風吹釣竿折魚
躍安能施白水明汀洲菰蒲冒深波唯留扁舟
影繫在長江湄突兀枯松枝悠揚女蘿絲託身
難憑依生歿馬相知徧觀今時人舉世皆爾為
將軍歿重圍漢卒猶爭馳百馬同一銜萬輪同
一規名與身孰親君子固空思

又

薛據

日中望雙闕軒蓋揚飛塵鳴珮初罷朝自言皆
近臣光華滿道路意氣安可親歸來宴高堂廣

筵羅八珍僕妾盡綺紈歌舞夜達晨四時固相
代誰能久要津已看覆前車未見易後輪丈夫
須兼濟豈能樂一身君今皆得志肯顧憔悴人

又

沈徽

蔓草自細微女蘿始天天夤緣至百尺榮耀非
一朝慧色高碧嶺流芳薄丹青如何摧秀木正
為餘波漂莖業落巖跡英蕤從風颺洪柯不足
恃况乃託陵茗長安富豪右信是天下樞歲里
笙歌發禁門冠蓋趨攀雲無醜士唾地盡成珠

日晏下雙闕煙花亂九衢恩榮在片言零落亦
須臾何意還自及曲池今已蕪

效古二首

晨登涼風臺暮走邯鄲道曜靈何赫烈四野無
青草火軍北集燕天子西居鎬婦人役州縣丁
男事征討老幼相別離哭泣無昏早稼穡旣歿
絕川澤復枯槁曠哉遠此憂冥冥商山皓

又

東風吹大河河水如倒流河洲塵沙起有若黃

雲浮頰霞燒廣澤洪曜赫高丘野老泣相語無
地可蔭休翰林有客卿獨負蒼生憂中夜起躑
躑思欲獻厥謀君門峻且深踈足空夷猶

效古二首

李白

朝入天苑中謁帝蓬萊宮青山映輦道碧樹搖
煙空謬題金閨籍得與銀臺通待詔奉明主抽
毫頌清風歸時落日晩躑躅浮雲驟人馬本無
意飛馳自豪雄入門紫鴛鴦金井雙梧桐清歌
弦古曲美酒沽新豐快意且爲樂列筵坐羣公

光景不可留生班如轉蓬早達勝晚遇羞比垂
釣翁

又

自古有秀色西施與東鄰蛾眉不可妬况乃效
其顰所以尹婕妤羞見邢夫人低頭不出氣塞
默少精神寄語無鹽子如君何足珍

述古三首

杜甫

赤驥頓長纓非無萬里姿悲鳴淚至地為問馭
者誰鳳凰從天來何意復高飛竹花不結實念

子忍朝饑古時君臣合可以物理推賢人識定
分進退固其宐

又

市人日中集於利競錐刀置膏烈火上哀哀自
煎熬農人望歲稔相率除蓬蒿所務穀為本邪
羸無乃勞舜舉十六相身尊道何高秦時任商
鞅法令如牛毛

又

漢光得天下祚永固有開豈惟高祖聖功自蕭

曹來經綸中興業何代無良才吾慕寇鄧勲濟
時信良哉耿賈亦宗臣羽翼共徘徊漢運終四
百圖畫在雲臺

擬古十三首

李白

青天何歷歷明星白如石黃姑與織女相去不
盈尺銀河無鵲橋非時將安適閨人理紈素遊
子悲行役瓶冰知冬寒霜露欺遠客客似秋葉
飛飄飄不言歸別後羅帶長愁覺去時衣乘月
託宵夢因之寄金徽

又

高樓入青天下有白玉堂明月看欲墮當惚懸
清光遙夜一美人羅衣沾秋霜含情弄柔瑟彈
作陌上桑絃聲何激烈風卷遶飛梁行人皆躑
躑棲鳥去迴翔但寫妾意苦莫辭此曲傷願逢
同心者飛作紫鴛鴦

又

長繩難繫日自古其悲辛黃金高北斗不惜買
陽春石火無留光還如班中人卽事已如夢後

來我誰身提壺莫辭貧取酒會四鄰仙人殊恍
惚未若醉中真

又

清都綠玉樹灼爍瑤臺春攀花弄秀色遠贈天
仙人香風送紫藥置到扶桑津取掇壺上豔所
貴心之珍相思傳一笑聊欲示情親

又

今日風日好明日恐不如春風笑於人何乃愁
自居吹蕭舞彩鳳酌醴餽神魚千金買一醉取

樂不求餘達士遺天地東山有二疏愚夫同瓦
石有才知卷舒無事坐悲苦塊然涸轍魚

又

運速天地閉胡風結飛霜百草死冬月六龍頽
西荒太白出東方彗星揚精光鴛鴦非越鳥何
爲眷南翔惟昔鷹將犬今爲侯與王得水成蛟
龍爭池奪鳳凰北斗不酌酒南箕空簸傷

又

班路今太行迴車竟何託萬族皆凋枯遂無少

可樂曠野多白骨幽魂其銷鑠榮貴當及時春
華空照灼人非崑山玉安得長璫錯身沒期不
朽榮名在麟閣

又

月色不可掃客愁不可道玉露生秋衣流榮飛
百草日月終銷毀天地同枯槁螻蛄啼青松安
見此樹老金丹寧誤俗昧者難精討爾非千歲
翁多恨去在早飲酒入玉壺藏身以爲寶

又

生者爲過客死者爲歸人天地一逆旅同悲萬
古塵月兔空擣藥扶桑以爲薪白骨寂無言青
松豈知春前後更歎息浮榮何足珍

又

僊人騎彩鳳昨下閬風岑海水三清淺桃源一
見尋遺我綠玉杯兼之紫瓊琴杯以傾美酒琴
以閑素心二物非在有何論珠與金琴彈松裏
風杯勸天上月風月長相知在何倏忽

又

涉江弄秋水愛此荷花鮮攀荷弄其珠蕩漾不成圓佳期綵雲重欲贈隔遠天相思無由見悵望涼風前

又

去去復去去辭君還憶君漢水旣殊流楚山亦此分人生難稱意豈得長爲羣越燕喜海日燕鴻思朔雲別久容華晚琅玕不能飯日落知天昏夢長覺道遠望夫登高山化石竟不返

又

李白

融融白玉輝映我青蛾眉寶鏡似空水落花如風吹出門望帝子蕩漾不可期安得黃鶴羽一報佳人知

又

薛奇童

沙塵朝蔽日失道還相遇寒影波上雲秋聲月前樹川氣生曉夕野陰乍煙霧沈沈滄池水人馬不敢度吮癰壘所薄挾纒恩難顧不見古時人中宵淚橫注

感興六首

李白

瑤姬天帝女精彩化朝雲宛轉入宵夢無心向
楚君錦衾抱秋月綺席空蘭芬茫昧竟誰測虛
集宋玉文

又

洛浦有宓妃飄飄雪爭飛輕雲拂素月了可見
清輝解珮欲西去含情詎相違香塵動羅襪綠
水不沾衣陳王徒作賦神女豈同歸好色傷大
雅多爲世所譏

又

裂素持作書將寄萬里懷眷眷待遠信竟歲無
人來征鴻務從陽又不爲我棲委之在深篋蠹
魚壞其題何如投水中流落他人開不惜他人
開但恐生是非

又

十五遊神仙仙遊未曾歇吹笙吟松風汎瑟窺
海月西山玉童子使我鍊金骨欲逐黃鸝飛相
呼向蓬闕

又

西國有美女結樓青雲端蛾眉豔曉月一笑傾
城歡高節不可奪炯心如凝丹常恐彩色晚不
爲人所觀安得配君子共乘雙飛鸞

又

嘉穀隱豐草草深苗且稀農夫既不異孤穗將
安歸常恐委疇隴忽與秋蓬飛烏得薦宗廟爲
君生光輝

感遇三首

李白

吾愛王子晉得道伊洛濱金骨既不毀玉顏長

自春可憐浮丘公倚靡與情親舉手白日間分
明謝時人二仙去已遠夢想空殷勤

又

昔余聞姮娥竊藥駐雲髮不自嬌玉顏方希鍊
金骨飛去身莫返含笑坐明月紫宮誇蛾眉隨
手會凋歇

又

宋玉事楚王立身本高潔巫山賦彩雲郢路歌
白雪舉國莫能和巴人皆卷舌一感登徒言恩

西國有美女結樓青雲端蛾眉豔曉月一笑傾
城歡高節不可奪炯心如凝丹常恐彩色晚不
爲人所觀安得配君子共乘雙飛鸞

又

嘉穀隱豐草草深苗且稀農夫既不異孤穗將
安歸常恐委疇隴忽與秋蓬飛烏得薦宗廟爲
君生光輝

感遇三首

李白

吾愛王子晉得道伊洛濱金骨既不毀玉顏長

自春可憐浮丘公猗靡與情親舉手白日間分
明謝時人二仙去已遠夢想空殷勤

又

昔余聞姮娥竊藥駐雲髮不自嬌玉顏方希鍊
金骨飛去身莫返含笑坐明月紫宮誇蛾眉隨
手會凋歇

又

宋玉事楚王立身本高潔巫山賦彩雲郢路歌
白雪舉國莫能和巴人皆卷舌一感登徒言恩

情遂中絕

又二首

梁德裕

彩雲呈瑞質五色發人寰獨作龍虎狀孤飛天
地間隱隱臨北極峩峩象南山恨在帝鄉外不
逢枝葉攀

又

幽澗生蕙若幽渚老江蘼榮落人不見芳香徒
爾為不及綠萍草生君紅蓮池左右美人弄朝
夕春風吹葉洗玉泉水珠清湛露滋心亦願如

此託君君不知

雜詩二首

儲光義

混沌本無象末路多是非達士志寥廓所在能
忘機新鑿時未至還山聊采薇虎豹對我蹲鸞
鶴傷我飛仙人空中來謂我勿復歸格澤為君
駕雲霓為君衣西遊崑崙墟可與世人

又

秋氣肅天地太行高崔嵬後狄清夜吟其聲一
何哀寂寥掩圭華夢寐遊蓬萊琪樹亭亭玉

堂雲中開洪崖吹簫管玉女飄飄來雨師既先
後道路無纖埃鄙哉楚襄王獨如雲陽臺

又

崔顥

可憐青銅鏡掛在白玉堂玉堂有美女嬌弄明
月光羅袖拂金鵲綵屏點紅妝妝罷含情坐春
風桃李香

又

崔國輔

逢着平樂兒論交鞍馬前與酤一斗酒恰用十
千錢後余在關內作事多迍遭何旨相救援徒

聞寶劍篇

又

李白

白日與明月晝夜尚不閑况爾悠悠人安得久
垂間傳聞海水上乃有蓬萊山玉樹生綠葉靈
仙每登攀一食駐玄髮再食留紅顏吾欲從此
去去之無時還

又六首

李華

黃鍾叩元音律呂更循環邪氣悖正聲鄭衛生
其間典樂忽消微波浪與天渾嘈嘈鴟梟動好

鳥徒縣蠻王吉歸鄉里甘心長閉關

又

玄黃與丹青五氣之正色聖人端其源上下皆有則齊侯好紫衣魏帝婦人飾女奴厭金翠傾海未滿臆何忍嚴子陵羊裘灰荆棘

又

甘酸不私人元和運五行生人受其用味正心亦平爪牙相踐傷日與性命爭聖人不能絕鑽燧與炮烹嗜慾乘此熾百金資一傾正消神耗

衰邪勝體充盈顏子有餘樂瓢中寒水清

又

陰魄淪宇宙太陽假其明臣道不敢專由此見虧盈未聞東菑稼一氣嘉穀成上天降寒暑地利乃可生葛藟附柔木繁陰蔽曾原風霜摧枝幹不復庇本根女蘿依松柏然後得長存

又

孔光尊董賢胡廣慚李固儒風冠天下而乃敗王度絳侯與博陸忠朴受遺顧求名不考實文

弊反成蠹

又

結交得書生書生鈍且直爭權復爭利終不得
其力我逢縱橫者是我牙與翼相旋如疾風並
命趨紫極奔車得停軌風火何相逼仁義豈有
常肝膽反爲賊勿嫌書生直鈍直深可憶

又

王季友

采山仍采隱在山不在深持斧事遠遊固非匠
者心翳翳青桐枝樵爨日所侵斧聲出巖壑四

聽無知音豈爲鼎下薪當復堂上琴鳳鳥久不
栖且與枳棘林

又

張彪

富貴多勝事貧賤無良圖上德兼濟心中才不
如愚商者多巧智農者爭膏腴儒生未遇時衣
食不自如久與故交別他榮我窮居到門懶入
門何況千里餘君子有褊性况乃尋常徒行行
任天地無爲強親踈

寓言二首

朱紱誰家子無乃金張孫驪駒從白馬出入銅
龍門問爾何功德多承明主恩鬪雞平樂館射
雉上林園曲陌車騎盛高堂珠翠繁奈何軒冕
貴不與布衣言

又

君家御溝上垂柳夾朱門列鼎會中貴鳴珂朝
至尊生歿在八議窮達由一言須識苦寒士莫
矜狐白溫

又二首

賈至

春草紛碧色佳人曠無期悠哉千里心欲采商
山芝歎息良會晚如何桃李時懷君晴川上佇
立夏雲滋

又

凜凜秋閨夕綺羅早知寒玉砧調鳴杵始擣機
中統憶昨別離日桐花覆井欄今來思君時白
露盈堦溥聞有關河信欲寄雙玉盤玉以委貞
心盤以薦嘉餐嗟君在萬里使妾衣帶寬

又三首

李白

周公負芥屨成王何夔夔武王昔不豫剪爪投
河湄賢聖遇讒慝不免人君疑天風拔大木禾
黍咸傷萎管蔡扇蒼蠅公賦鴟鴞詩金滕若不
啓忠信誰明之

入

搖裔雙彩鳳婉孌三青禽往還瑤臺裏鳴舞玉
山岑以歡秦娥意復得王母心區區精衛鳥銜
木空哀吟

又

長安春色歸先入青門道綠楊不自持清風欲
傾倒海燕還秦宮雙飛入簾櫳相思不相見托
夢遼城東

盛唐彙詩

四唐彙詩七十八

太空流素月三五何明明光耀侵白日賢愚迷
至精四時更變化天道有虧盈常恐今夜沒須
臯還復生

行軍詩二首

岑參

吾竊悲此生四十幸未老一朝逢世亂終日不
自保胡兵奪長安宮殿生野草傷心五陵樹不
見二京道我皇在行軍兵馬日浩浩胡雛尚未
滅諸將懇征討昨聞咸陽敗殺戮淨如掃積屍

若丘山流血漲豐鎬干戈礙鄉國豺虎滿城堡
村落皆無人蕭條空桑棗儒生有長策無處豁
懷抱塊然傷時人舉首哭蒼昊

又

早知逢世亂少小謾讀書悔不學彎弓向東射
在胡偶從諫官列謬向丹墀趨未能匡吾君虛
作一丈夫撫劔傷世路哀歌泣良圖功業今已
遲覽鏡悲白鬚平生抱忠義不敢私微軀

次天元十載華陰發兵作

儲光羲

鬼方生獫狁時寇廬龍營帝念霍嫫姚詔發咸
林兵天星下文閣簡師臨我城三陌觀勇夫五
餌謀長纓雷野大車發震雲靈鼓鳴太華色莽
蒼清渭風交橫胡馬悲雨雪詩人歌旆旌闕氏
爲女奴單于作邊氓神皇麒麟閣大將不書名

觀范陽遞俘

儲光羲

北河旄星殞鬼方彌沐胡羣師舞弓矢電發歸
燕墟皇皇軒轅君贊贊臯陶謨方思壯軍實遠
近遞生俘車馬踐大逵合沓成深渠牧人過橐

駝校正引駒駮烈風朝送寒零雪靄天隅草木
同一色誰能辨榮枯四履封元戎百金酬勇夫
大邦武功爵固與炎皇殊

送丘徒至州敕放作

儲光羲

太史登觀臺天街耀旄頭大君忽霆震詔爵冠
軍侯南必梁孫源西將圍崑丘河隴徵擊卒虎
符到我州朝集成林城師言亂啁啾殺氣變木
德凜凜如高秋元戎啓神皇廟堂發嘉謀息兵
業稼穡歸馬復休牛和風開陰雪大耀中天流

鬼方生獫狁時寇盧龍營帝念霍嫫姚詔發咸
林兵天星下文閣簡師臨我城三陌觀勇夫五
餌謀長纓雷野大車發震雲靈鼓鳴太華色莽
蒼清渭風交橫胡馬悲雨雪詩人歌旆旌闕氏
爲女奴單于作邊氓神皇麒麟閣大將不書名
觀范陽遞俘
儲光羲

北河旄星殞鬼方彌沐胡羣師舞弓矢電發歸
燕墟皇皇軒轅君贊贊臯陶謨方思壯軍實遠
近遞生俘車馬踐大逵合杏成深渠牧人過橐
駝校正引駒駘烈風朝送寒零雪靄天隅草木
同一色誰能辨榮枯四履封元戎百金酬勇夫
大邦武功爵固與炎皇殊

送丘徙至州敕放作

儲光羲

太史登觀臺天街耀旄頭大君忽霆震詔爵冠
軍侯南必梁孫源西將圍崑丘河隴徵擊卒虎
符到我州朝集咸林城師言亂啁啾殺氣變木
德凜凜如高秋元戎啓神皇廟堂發嘉謀息兵
業稼穡歸馬復休牛和風開陰雪大耀中天流

歡聲殷河嶽涵蕩非煙浮邦牧新下車德禮被
吐謳乾坤日交泰吾亦遂優游

晚霽中園喜赦作

儲光義

五月黃梅時陰氣蔽遠邇煙雲連晦朔菰菜生
鄰里落日燒霞明農夫知雨止幾悲衽席濕長
歎垣墻毀矚朗天宇開家族躍以喜渙汗發大
號坤元更資始散衣出中園小徑尚滑履池光
搖萬象倏忽滅復起嘉樹如我心欣欣豈云已

懷哉行

薛據

明時無廢人廣廈無棄材良工不我顧有用寧
自媒懷策望君門歲晏空遲迴秦城多車馬日
夕飛塵埃代鼓千門啓鳴珂雙闕來我聞雷雨
施天澤罔不該何意斯人徒棄之如灰灰主好
臣必効時禁權不開俗流實驕矜得志輕草萊
文王賴多士漢帝資羣才一言並拜相片善咸
居台夫君何不遇爲泣黃金臺

春陵行

有序

元結

癸卯歲漫叟授道州刺史道州舊四萬餘戶

經賊已來不滿四千大半不勝賦稅到官未
五十日承諸使徵求符牒二百餘封皆曰失
其限者罪至貶削於戲若悉應其命則州縣
破亂刺史欲焉逃罪若不應命又卽獲罪戾
必不免也吾將守官靜以安人待罪而已此
州是春陵故地故作春陵行以達下情

軍國多所需切責在有司有司臨郡縣刑法競
欲施供給豈不憂徵歛又可悲州小經亂亾遺
人實困疲大鄉無十家大族命單羸朝餐是草

根暮食仍木皮出言氣欲絕意速行步遲追呼
尚不忍况乃鞭撲之郵亭傳急符來往跡相追
更無寬大恩但有迫促期欲令鬻兒女言發恐
亂隨悉使索其家而又無生資聽彼道路言怨
傷誰復知去冬山賊來殺奪幾無遺所願見王
官撫養以慧慈奈何重驅逐不使存活爲安人
天子命符節我所持州縣忽亂亾得罪復是誰
逋緩違詔令蒙責固其宐前賢重守分惡以禍
福移亦云貴守官不愛能適時顧惟孱弱者正

直當不虧何人采國風吾欲獻此辭

同元使君春陵行

并序

杜甫

覽道州元使君結春陵行兼賊退後示官吏
作二首志之曰當天子分憂之地效漢官良
吏之日今盜賊未息知民疾苦得結輩十數
公落落然參錯天下為邦伯萬物吐氣天下
少安可待矣不意復見比興體制微婉頓挫
之詞感而有詩增諸卷軸簡知我者不必寄
元也

遭亂髮盡白轉衰病相嬰沈緜盜賊際狼狽江
漢行歎時藥力薄為客羸瘵成吾人詩家秀博
采曲上名粲粲元道州前聖畏後生觀乎春陵
作歛見俊哲情復覽賊退篇結也實國楨賈諛
昔流慟匡衡常引經道州憂黎庶詞氣浩縱橫
兩章對秋月一字皆華星致君唐虞際純朴億
大庭何時降璽書用爾為丹青獄訟永衰息豈
惟偃甲兵悽惻念誅求薄斂近休明乃知正人
意不苟飛長纓涼飈振南岳之子寵若驚色沮

金印大興舍滄溟清我多長卿病日夕思朝廷
肺枯渴太甚漂泊公孫城呼兒具紙筆隱几臨
軒楹作詩呻吟內墨淡字欹傾感彼危苦詞庶
幾知者聽凡一字皆華星廷彭衙行杜甫
憶昔避賊初北走經險艱夜深彭衙道月照白
水山盡室久徒步逢人多厚顏參差谷鳥吟不
見遊子還癡女饑咬我啼畏虎狼聞懷中掩其
口反側聲愈嗔小兒強解事故索苦李餐一旬

半雷雨泥濘相攀牽既無禦濕備徑滑衣又寒
有時經契濶竟日數里間野果充餽糧卑枝成
屋椽早行石上水暮宿天邊煙少畱同家窪欲
出蘆子關故人有孫宰高義薄曾雲延客已曛
黑張燈啓重門煖湯濯我足翦紙招我魂從此
出妻孥相視涕闌干衆雛爛熳睡喚起霑盤餐
誓將與夫子永結爲弟昆遂空所坐堂安居奉
我歡誰有艱難際豁達露心肝別來歲月周胡
羯仍構患何當有翅翎飛去墮爾前

揚旗

杜甫

江雨颯長夏府中有餘清我公會賓客肅肅有
異聲初筵閱軍裝羅列照廣庭庭空六馬入駃
駃揚旗旌回回偃飛蓋熠熠迸流星來纏風颯
急去擘山嶽傾材歸俯身盡妙取畧地平虹蜺
就掌握舒卷隨人輕三州陷大戎但見西嶺青
公來練猛士欲奪天邊城此堂不易升庸蜀日
已寧吾徒且加餐休適蠻與荆

客從

杜甫

客從南溟來遺我泉客珠珠中有隱字欲辨不
成書緘之篋笥以候公家須開視化爲血哀
今徵歛無

往在

杜甫

往在西京日胡來滿彤宮中宵焚九廟雲漢爲
之紅解瓦飛十里總帷紛層空疚心惜木主一
一灰悲風合昏排鐵騎清旭散錦幪賊臣表逆
節相賀以成功是時妃嬪戮連爲糞土叢當宁
陷玉座白間剝畫蟲不知二聖處私泣百歲翁

車駕旣云還楹桷歛穹崇故老復涕泗祠官樹
椅桐宏壯不如初已見帝力雄前春禮郊廟祀
事親聖躬微軀忝近臣景從陪羣公登堦捧玉
冊幾冕聆金鍾侍祠慙先露掖垣邇濯龍天子
惟孝孫五雲起九重鏡奩換粉黛翠羽猶葱朧
前者厭羯胡後來遭犬戎俎豆腐膾肉罟魚行
角弓安得自西極申命空山東盡馳詣闕下士
庶塞關中主將曉逆順元元歸始終一朝自罪
已萬里車書通鋒鏑供鋤犁征伐聽所從冗官

各復業土著還力農君臣節儉足朝野歡呼同
中興似國初繼體如太宗端拱納諫諍和風日
冲融赤墀櫻桃枝隱映銀絲籠千春薦寢廟永
永傳無窮京都不再火涇渭開愁容歸號故松
柏老去苦飄蓬

白馬

杜甫

白馬東北來空鞍貫雙箭可憐馬上郎意氣今
誰見近時主將戮中夜商於戰喪亂歿多門嗚
呼淚如霰

雜興

王昌齡

握中銅匕首粉剉楚山鐵義士頻報讎殺人不
曾缺可悲燕丹事終被狼虎滅一舉無兩全荆
軻遂爲血成知匹夫勇何取萬人傑無道吞諸
侯坐見九州裂

山中晚興

元季川

河漢降玄霜昨來節物殊媿無神仙姿豈有陰
陽俱靈鳥望不見慨然悲高梧華業隨風揚珍
條雜榛蕪爲君寒谷吟歎息知何如

秋興

王昌齡

日暮西北堂涼風洗修木著書在南窓門館常
肅肅苔草延古意視聽轉幽獨或問余所營刈
黍就寒谷

尋陽紫極宮感秋作

李白

何處聞秋聲脩脩北牕竹迴薄萬古心攬之不
盈掬靜坐觀衆妙浩然媚幽獨白雲南山來就
我簷下宿嬾從唐生決羞訪季主卜四十九年
非一往不可復野情轉蕭散在道有翻覆陶令

歸去來田家酒應熟

立秋後題

杜甫

日月不相饒節叙昨夜隔玄蟬無停號秋燕已
如客平生獨往願惆悵年半百罷官亦由人何
事拘形役

北風

杜甫

北風破南極朱鳳日威垂洞庭秋欲雪鴻鴈將
安歸十年殺氣盛六合人煙稀吾慕漢初老時
清猶茹芝

破船

杜甫

平生江海心宿昔具扁舟豈惟清谿上日傍柴
門遊愴惶避亂兵緬邈懷舊丘鄰人亦已非野
竹獨修修船舷不重扣埋沒已經秋仰看西飛
翼下媿東逝流故者或可掘新者亦易求所悲
數奔竄白屋難久留

阻雨不得歸灤西甘林

杜甫

三伏適已過驕陽化爲霖欲歸灤西宅阻此江
浦深懷舟百板圻峻岸復萬尋篙工初一棄恐

泥勞寸心佇立東城隅
悵望高飛禽草堂亂玄
圃不隔崑崙岑昏渾衣裳
外曠絕同層陰園甘
長成時三寸如黃金
諸侯舊上計厥貢傾千林
邦人不足重所迫豪吏
侵客居暫封殖日夜偶
瑤琴虛徐五株態側塞
煩胷襟焉得輟兩足杖
藜出嶇嶇條流數翠實
偃息歸碧潯拭拂烏皮
几喜聞樵牧音令兒快
搔背脫我頭上簪

甘林

杜甫

捨舟越西岡入林解我衣
青芻適馬性好鳥知

人歸晨光映遠岫夕露見
日晞遲暮少寢食清
曠喜荆扉經過倦俗態
在野無所違試問甘藜
藿未宥羨輕肥喧靜不同
科出處各天機勿矜
朱門是陋此白屋非明朝
步鄰里長老可以依
時危賦歛數脫粟爲爾揮
相攜行豆田秋花靄
菲菲子實不得喫貨市送
王畿盡添軍旅用迫
此公家威主人長跪辭戎
馬何時稀我衰易悲
傷屈指數賊圍勸其死王
命慎勿遠奮飛

客堂

杜甫

憶昨離少城而今異楚蜀捨舟復深山窅窕一
林麓栖泊雲安縣消中內相毒舊疾廿載來衰
年得無足灰爲殊方鬼頭白兔短促老馬終望
雲南鴈意在北別家長兒女欲起慙筋力客堂
叙節改具物對羈束石暄蕨芽紫渚秀蘆笋綠
已稼紛未稀微麥早向熟悠悠日動江漠漠春
辭木臺郎選才後自顧亦已極前輦聲名人埋
沒何所得居然縮章紱受性本幽獨平生憩息
地必種數竿竹事業只濁醪營葺但草屋上公

有記者累奏資薄祿主憂豈濟時身遠彌曠職
循文廟算正獻可天衢直尚想趨朝廷毫髮裨
社稷形骸今若是進退委行色

客居

杜甫

客居所居堂前江後山根下塹萬尋岸蒼濤鬱
飛翻葱青衆木梢邪豎雜石痕子規晝夜啼壯
士歛精蒐峽開四千里水合數百源人虎相半
居相傷終兩存蜀麻久不來吳鹽擁荆門西南
失大將商旅自星奔今又降元戎已聞動行軒

舟子候利涉亦憑節制尊我在路中央生理不
得論臥愁病脚廢徐步示小園短畦帶碧草悵
望思王孫鳳隨其凰去籬雀暮喧繁覽物想故
國十年別荒村日暮歸幾翼北林空自昏安得
覆八溟爲君洗乾坤稷契易爲力犬戎何足吞
儒生老無成臣子憂四藩篋中有舊筆情至時
復援

草堂

杜甫

昔我去草堂蠻夷塞成都今我歸草堂成都適

無虞請陳初亂時反覆乃須臾大將赴朝廷羣
小起異圖中宵斬白馬盟歆氣已麤西取邛南
兵北斷劔閣隅布衣十數人亦擁專城居其勢
不兩大始聞蕃漢殊西卒却倒戈賊臣互相誅
焉知肘腋禍自及梟獍徒義士皆痛憤紀綱亂
相踰一國實三公萬人欲爲魚唱和作威福孰
肯辨無辜眼前列柵械背後吹笙竽談笑行殺
戮濺血滿長衢到今用鉞地風雨聞號呼鬼妾
與鬼馬色悲充爾娛國家法令在此又足驚吁

賤子且奔走三年望東吳弧矢暗江海難爲遊
五湖不忍竟舍此復來薙榛蕪入門四松在步
堞萬竹踈舊犬喜我歸低徊入衣裾鄰里喜我
歸沽酒攜胡蘆大官喜我來遣騎問所須城郭
喜我來賓客隘村墟天下尚未寧健兒勝腐儒
飄飄風塵際何地置老夫於時見疣贅骨髓幸
未枯飲啄媿殘生食薇不敢餘

水檻

杜甫

蒼江多風颺雲雨晝夜飛茅軒駕巨浪焉得不

低垂遊子久在外門戶無人持高岸尚爲谷何
傷浮柱歆扶顛有勸誠恐貽識者嗤旣殊大厦
傾可以一木支臨川視萬里何必欄檻爲人生
感故物慷慨有餘悲

柴門

杜甫

泛舟登瀛西回首望兩崖東城乾旱天其氣如
焚柴長影沒窈窕餘光散谿舂大江蟠嵌根歸
海成一家下衝割坤軸竦壁攢鑊鄒蕭颯洒秋
色氣昏霾日車嶼門自此始最窄容浮查禹功

翊造化疏鑿就欹斜巨渠決太古衆水爲長蛇
風煙渺吳蜀舟楫通鹽麻我今遠遊子飄轉混
泥沙萬物附本性約身不欲奢茅棟葢一牀清
少地僻日夕佳貧窮固其常富貴任生涯老於
干戈際宅幸蓬華遮石亂上雲氣杉青延日華
賞妍又分外里愜夫何誇足了垂白年敢居高
士差書此豁平昔回首猶暮霞

羗村三首

杜甫

崢嶸赤雲西日脚下平地柴門鳥雀噪歸客千
里至妻孥恠我在驚定還拭淚並亂遭飄蕩生
還偶然遂鄰人滿墻頭感歎亦歔歔夜闌更秉
燭相對如夢寐

晚歲迫偷生還家少歡趣嬌兒不離膝畏我復
却去憶昔好追涼故繞池邊樹蕭蕭北風勁撫
事煎百慮賴知禾黍收已覺糟牀注如今足斟
酌且用慰遲暮

羗雞正亂叫客至雞鬪爭驅雞上樹木始聞扣

柴荆父老四五人問我久遠行手中各有攜傾
榼濁復清苦辭酒味薄黍地無人耕兵革既未
息兒童盡東征請為父老歌艱難媿深情歌罷
仰天歎四座淚縱橫

得舍弟消息

杜甫

風吹紫荆樹色與春庭暮花落辭故枝風回反
無處骨肉恩書重漂泊難相偶猶有淚成河經
天復東注

盛唐彙詩卷第八

四唐彙詩七十八

盛唐彙詩卷第九

四唐彙詩七十九

新都 吳勉學 編輯

陸慶祥 校訂

五言古體

述感

北征

杜甫

皇帝二載秋閏八月初吉杜子將北征蒼茫問
家室維時遭艱虞朝野少暇日顧慙恩私被詔
許歸蓬華拜辭詣闕下休惕久未出雖乏諫諍

姿恐君有遺失君誠中興主經緯固密勿東胡
反未已臣甫憤所切揮涕戀行在道途猶恍惚
乾坤合瘡痍憂虞何時畢靡靡踰阡陌人煙眇
蕭瑟所遇多被傷呻吟更流血回首鳳翔縣旌
旗晚明滅前登寒山重屢得飲馬窟邠郊入地
底涇水中蕩潏猛虎立我前蒼崖吼時裂菊垂
今秋花石戴古車轍青雲動高興幽事亦可悅
山果多瑣細羅生雜橡栗或紅若丹砂或黑如
點漆雨露之所濡甘苦齊結實緬思桃源內益

歎身杵拙坡陀望廊時谷巖互出沒我行已水
濱我僕猶木末鷓鴣鳴黃桑野鼠拱亂穴夜深
經戰場寒月照白骨潼關百萬師往者散何卒
遂令半秦民殘害爲異物况我墮胡塵及歸盡
華髮經年至茅屋妻子衣百結慟哭松聲迴悲
泉共幽咽平生所驕兒顏色白勝雪見爺背面
啼垢膩脚不韞牀前兩小女補綻纔過膝海圖
圻波濤舊繡移曲折天吳及紫鳳顛倒在襤褐
老夫情懷惡嘔泄臥數日那無囊中帛救汝寒

凜標粉黛亦解包衾裯稍羅列瘦妻面復光癡
女頭自櫛學母無不為曉妝隨手抹移時施朱
鉛狼籍畫眉闊生還對童稚似欲忘饑渴問事
競挽鬢誰能卽嗔喝翻思在賊愁甘受雜亂聒
新婦且慰意生理焉得諗至尊尚蒙塵幾日休
練卒仰看天色改旁覺妖氛豁陰風西北來慘
淡隨回紇其王願助順其俗喜馳突送兵五千
人驅馬一萬匹此輩少為貴四方服勇決所用
皆鷹騰破敵過箭疾聖心頗虛佇時儀氣欲奪

伊洛指掌收西京不足拔官軍請深入蓄銳伺
俱發此舉開青徐旋瞻畧怕碣昊天積霜露正
氣有肅殺禍轉亡胡歲勢成擒胡月胡命其能
久皇綱未宐絕憶昨狼狽初事與古先別姦臣
競菹醢同惡隨蕩折不聞夏殷衰中自誅褒妲
周漢獲再興宣光果明哲栢栢陳將軍仗鉞奮
忠烈微爾人盡非于今國猶活淒涼大同殿寂
寞白獸闈都人望翠華佳氣向金闕園陵固有
神掃洒數不闕煌煌太宗業樹立甚宏達

逃難

杜甫

五十白頭翁南北逃
盡難踈布纏枯骨奔走苦
不煖已衰病方入四海一
塗炭乾坤萬里內莫
見容身畔妻孥復隨我
回首共悲歎故國莽丘
墟鄰里各分散歸路從此
迷涕盡湘江岸

幽人

杜甫

孤雲亦羣遊神物有所歸
麟鳳在赤霄何當一
來儀往與慧詢輦中年滄
洲期天高無消息業
我忽若遺內懼非道流幽
人在瑕疵洪濤隱笑

語鼓柅蓬萊池崔嵬扶桑
日照耀珊瑚枝風帆
倚翠蓋暮把東皇衣
嚙漱元和津所思煙霞微
知名未足稱局促商山芝
五湖復浩蕩歲暮有
餘悲

佳人

杜甫

絕代有佳人幽居在空谷
自云良家子零落依
草木關中昔喪敗兄弟
遭殺戮官高何足論不
得收骨肉盡情惡衰歇
萬事隨轉燭夫婿輕薄
兒新人美如玉合昏尚
知時鴛鴦不獨宿但見

新人笑那聞舊人哭在山泉水清出山泉水濁
侍婢賣珠回牽蘿補茅屋摘花不插髮采栢動
盈掬天寒翠袖薄日暮倚修竹

鄭典設自施州歸

杜甫

吾憐滎陽秀冒暑初有適名賢慎出處不肖妄
行役旅茲殊俗遠竟以屢空迫南謁裴施州義
合無險僻攀援懸根木登頓入矢石青山自一
川城郭洗憂感聽子話此邦令我心悅懌其俗
則純朴不知有主客溫溫諸侯門禮才如古昔

救厨倍常差杯盤頗狼籍時雖屬喪亂事貴賞
匹敵中宵愜良會裴鄭非遠戚羣書一萬卷博
涉供務隙他日辱銀釣森疎見矛戟倒屣喜旋
歸畫地求所歷乃聞風土質又重田疇關刺史
似寇恂列郡空競惜北風吹瘴癘羸老思散策
渚拂蒹葭寒嶠穿鳶蘿慕此身仗兒僕高興潛
有激孟冬方首路強飯取崖壁歎爾疲駑駘汗
溝血不赤終然備外飾駕馭何所益我有平肩
輿前途猶準的翩翩入鳥道庶脫蹉跌厄

西閣曝日

杜甫

凜冽倦玄冬，負暄嗜飛閣。
羲和流德澤，顛頊愧倚薄。
毛髮具自和，肌膚潛沃若。
太陽信深仁，衰氣歛有託。
歎傾煩注眼，容易收病脚。
流離木杪，爓翻躑山顛。
鶴朋知苦聚，散哀樂日已作。
卽事會賦詩，人生忽如昨。
古來遭喪亂，賢聖盡蕭索。
胡爲將暮年，憂班心力弱。

夢李白二首

杜甫

死別已吞聲，生別常惻惻。
江南瘴癘地，逐客無消息。
故人入我夢，明我長相憶。
恐非平生魂，路遠不可測。
魂來楓林青，魂返關塞黑。
君今在羅網，何以有羽翼。
落月滿屋梁，猶疑照顏色。
水深波浪濶，無使蛟龍得。

又

浮雲終日行，遊子久不至。
三夜頻夢君，情親見君意。
告歸常局促，苦道來不易。
江湖多風波，舟楫恐失墜。
出門搔白首，苦負平生志。
冠蓋滿京華，斯人獨顛顛。
孰云網恢恢，將老身反累。
千秋

萬歲名寂寞身後事

夢太白西峯

常建

夢寐升九崖杳靄逢元君遺我太白峯寥寥辭
垢氛結宇在星漢冥林閉氤氲檐楹覆餘翠巾
舄生片雲時往谿谷間孤亭晝仍曛松峯引天
影石瀨清霞文恬目緩舟趣霽心投鳥羣春風
又搖權潭島花紛紛

不調歸東川別業

李頎

寸祿言可取託身將見遺慙無匹夫志悔與名

山辭絃冕謝知己林園多後時葛巾方濯足蔬
食但垂帷十室對河岸漁樵祗在茲青郊香杜
若白水映茅茨晝景徹雲樹夕陰澄古達渚花
獨開晚田鶴靜飛遲且復樂生事前賢為我歸
清歌聊鼓楫永日望佳期

歎白髮

又見王維集

盧象

我年一向長鬢髮日已白俛仰天地間能為幾
時客惆悵故山雲徘徊空日夕何事與時人東
城復南陌

懼讒

李白

二桃殺三士詎假劔如霜衆女妬娥眉雙花競
春芳魏姝信鄭袖掩袂對懷王一惑巧言子朱
顏成損傷行將立團扇戚戚愁人腸

結定襄郡獄効陶體

崔顥

我在河東時使往定襄里定襄諸小兒爭訟紛
城市長老莫敢言太守不能理詢書盈几案文
墨相填委牽引肆中翁追呼田家子我來折此
獄師聽辨疑似小大必以情未嘗施鞭箠是時

三月暮遍野農桑起里巷鳴春鳩田園引流水
此鄉多雜俗戎夏殊音旨顧問邊塞人勞情曷
云已

野外作

于逖

老病無樂事歲秋悲更長窮郊日蕭索生意已
蒼黃小弟髮亦白兩男俱不強有才且未達况
我非賢良幸以朽鈍姿野外老風霜寒鴉噪晚
景喬木思故鄉魏人宅蓬池結網佇鱸魴水清
魚不來歲暮空彷徨

三韻三首

杜甫

高馬勿挫面長魚無損鱗辱馬馬尾焦困魚魚
有神君看磊落士不肖易其身

又

蕩蕩萬斛船影若搖白虹起檣必椎牛挂席集
眾功自非風動天莫置大水中

又

烈士惡多門小人自同調名利苟可取殺身傷
權要何當官曹清爾輩堪一笑

觀別者

王維

青青楊柳陌陌上別離人愛子遊燕趙高堂有
老親不行無可養行去百憂新切切委兄弟依
依向四鄰都門悵飲畢從此謝親賓揮涕逐前
侶含悽動征輪車徒望不見時見起行塵吾亦
辭家久看之淚滿巾

衙郡守還

岑參

世事何反覆一身難可料頭白翻折腰還家私
自笑所嗟無產業妻子嫌不調五斗米留人東

谿憶垂釣

八月十五日象自江東止田園移莊慶
會未幾歸汶上小弟幼妹尤悲其別兼

賦

詩三首

盧象

謝病始告歸依依入桑梓家人皆佇立相候衡
門裏時輩皆長年成人舊童子上堂家慶畢顧
與姻親齒論舊或餘悲目存且相喜田園轉蕪
沒但有寒泉水衰柳日蕭條秋光清邑里入門

乍如客休騎非便止中飯顧王程離憂從此始

又

兩妹日長成餘髮將及人已能持寶瑟自解掩
羅巾念昔別時小未知踈與親今來識離恨拭
淚方殷勤

又

小弟更孩幼歸來不相識同居雖漸慣見人猶
默默宛作越人語殊甘水鄉食別此最爲難淚
盡有餘憶

代扶風主人答

王昌齡

殺氣凝不流風悲日彩寒浮埃起四遠遊子彌
不歡依然宿扶風沽酒聊自寬寸心亦未理長
鋏誰能彈主人就我飲對我還慨歎便泣數行
淚因歌行路難十五役邊地三回討樓蘭連年
不解甲積日無所餐將軍降匈奴國使沒桑乾
去時三十萬獨自還長安不信沙場苦君看刀
箭瘢鄉親悉零落塚墓亦摧殘仰攀青松枝慟
絕傷心肝禽獸悲不去路傍誰忍看幸逢休明

代寰宇靜波瀾老馬思伏櫪長鳴力已殫少年
與運會何事發悲端天子初封禪賢良刷羽翰
三邊悉如此否泰亦須觀

神仙

張彪

神仙可學無百歲名大約天地何茫茫人間半
哀樂浮生亮多感善事翻爲惡爭先等驅逐中
路苦瘦弱長老思養壽後且笑寂寞五穀非長
年四氣乃靈藥別子何必待吾心滿寥廓

遊仙

劉復

稅駕倚扶桑逍遙望九州二老佐軒轅移戈戮
蚩尤功成棄之去乘龍上天遊天上見玉皇壽
與天地休俯視崑崙宮五城十二樓王母何窈
眇玉質清且柔揚袂折瓊枝寄我天東頭相思
千萬歲大運浩悠悠安用知吾道日月不能周
寄音青鳥翼謝爾碧海流

閔荒詩一首

并序

元結

天寶丙戌中元子浮隋河至淮陰間其年水
壞河防得隋人寃歌五篇考其歌義似寃怨

時主故廣其意采其歌爲閔荒詩一篇其餘
載于異錄

煬皇嗣君位隋德滋昏幽日作及身禍以爲長
垂謀居常恥前王不思天子遊意欲出明堂便
登浮海舟令行山川改功與玄造侔河淮可支
合峯嶠生回溝封隕下澤中作山防逸流船艦
狀龍鷁若負宮闕浮荒娛未央極始到滄海頭
忽見海門山思作望海樓不知新都城已爲征
戰丘當時有遺歌歌曲太寃愁四海非天獄何

爲非天囚天囚正凶忍爲我萬姓讎人將引天
彭人將持天鏖所欲充其心相與絕悲憂自得
隋人歌每爲隋君羞欲歌當陽春似覺天下秋
更歌曲未終如有怨氣浮奈何昏王心不覺此
怨尤遂令一夫唱四海欣提矛吾聞古賢君其
道常靜柔慈慧恐不足端和忘所求嗟嗟有隋
氏惛惛誰與儔

同孫構免官後登薊樓

張謂

昔在五陵時年少心亦壯嘗矜有竒骨必是封

侯相東走到營州投身事邊將一朝去鄉國十
載履亭障部曲皆武夫功成不相讓猶希虜塵
動更取林胡帳去年大將軍忽負樂生謫北別
傷士卒南遷歿炎瘴濩落悲無成行登薊丘上
長安三千里日夕西南望寒沙榆塞沒秋水灤
河漲策馬從此辭雲山保閑放

出東城

劉復

步出東城門獨行已徬徨伊洛之清流密林含
朝暘芳景雖可矚憂懷在中腸人生能幾何萬

再隨流光願得心所親
罇酒坐高堂一爲浮沈
隔會合殊未央雙戲水中鳧
和鳴自翱翔我無此羽翼
安可以比方

登邯鄲洪波臺置酒觀發兵 李白

我把兩赤羽來遊燕趙間
天狼正可射感激無時閑
觀兵洪波臺倚劔望玉關
請纓不繫越且向燕然山
風引龍虎旗歌鍾昔追攀
擊筑落高月投壺破愁顏
遙知百戰勝定掃鬼方還

初晴抱琴登馬退山對酒望遠醉後作

年長心易感况爲憂患纏
壯圖迫在故行止兩茫然
王旅方伐叛虎臣皆被堅
魯人著儒服甘就南山田
挈榼上高磴超遙望平川
滄江大如綆隱映入遠天
荒服何所有山花雪中燃
寒泉得日景吐雷鳴湔湔
舉酒勸白雲唱歌慰頽年
微風度竹來韻我號鍾絃
一彈一引滿耳熱知心宣
曲終余亦酣起舞山水前
人生幾何時太半百憂煎
今日羈愁破始知濁酒賢

上後園山脚

杜甫

朱夏熱所嬰清旭步北林小園背高罔挽葛上
崎崿曠望延駐目飄飄散疎襟潛鱗恨水壯去
翼依雲深勿謂地無疆劣於山有陰石楨遍天
下水陸兼浮沈自我登隴首十年經碧岑劔門
來巫峽薄倚浩至今故園暗戎馬骨肉失追尋
時危無消息老去多歸心志士惜白日久客藉
黃金敢爲蘇門嘯庶作梁父吟

又上後園山脚

杜甫

昔我遊山東憶戲東嶽陽窮秋立日觀矯首望

八荒朱崖著毫髮碧海吹衣裳蓐收困用事玄
冥蔚強梁逝水自朝宗鎮石各其方平原獨樵
悴農力廢耕桑非關風露凋曾是戍役傷於時
國用富足以守邊疆朝廷任猛將遠奪戎虜場
到今事反覆故老淚萬行龜蒙不可見况乃懷
故鄉肺萎屬久戰骨出熱中腸憂來杖匣劔更
上林北罔瘴毒猿鳥落峽乾南日黃秋風亦已
起江漢始如湯登高欲有往蕩析川無梁哀彼
遠征人去家歿路傷不及父祖塋壘壘塚相當

喜晴

杜甫

皇天久不雨既雨晴亦佳出郭眺西郊蕭蕭春
增華青熒陵陂麥窈窕桃李花春夏各有實我
饑豈無涯干戈雖橫放慘澹鬪龍蛇甘澤不猶
愈且耕今未賒丈夫則帶甲婦女終在家力難
及黍稷得種菜與麻千載商山芝往者東門瓜
其人骨已朽此道誰疵瑕英賢遇轍軻達引蟠
泥沙顧慙昧所適回首白日斜漢陰有鹿門滄
海有靈查焉能學衆口咄咄空咨嗟

苦雪四首

高適

二月猶北風天陰雪冥冥寥落一室中悵然慚
百齡苦愁正如此門柳復青青

又

慧連發清興袁安念高臥余故非斯人爲性兼
嬾隋賴茲樽中酒終日聊自過

濛濛灑平陸浙瀝至幽居且喜潤羣物焉能悲
斗儲故交久不見鳥雀投吾廬

孰云久閑曠本自保知寡窮巷獨無成春條祗
盈把安能羨鵬舉且欲歌牛下乃知古時人亦
有如我者

盛唐彙詩卷第九

四唐彙詩七十九

盛唐彙詩卷第十

四唐彙詩八十

新都

吳勉學 編輯

陸麀祥 校訂

五言古體

懷思

秋夜獨坐懷內弟崔興宗 王維

夜靜羣動息蟪蛄聲悠悠庭槐北風響日夕方
高秋思子整羽翰及時當雲浮吾生將白首歲
晏思滄洲高足在旦暮有爲南畝儔

至滑州隔河望黎陽憶丁三寓 王維

隔河見桑柘藹藹黎陽川
望望行漸遠孤峯沒
雲煙故人不可見河水復悠然
賴有政聲遠時聞行路傳

夏日南亭懷辛大 孟浩然

山光忽西落池月漸東上
散髮乘夕涼開軒臥閑敞
荷風送香氣竹露滴清響
欲取鳴琴彈恨無知音賞
感此懷故人中宵勞夢想

同從弟銷南齋翫月憶山陰崔少府

高臥南齋時開帷月初吐
清輝淡水木演漾在牕戶
苒苒幾盈虛澄澄變今古
美人清江畔是夜越吟苦
千里其如何微風吹蘭杜

懷葉縣關操姚曠韓涉李叔齊 岑參

數子皆故人一時吏宛葉
經年總不見書札徒滿篋
斜日半空庭旋風走梨葉
去君千里地言笑何時接

宿華陰東郭客舍憶閭防 岑參

次舍山郭近解鞍鳴鍾時
主人炊新粒行子充

夜饑關月生首陽照見華陰祠蒼茫秋山晦蕭
瑟寒松悲久從園廬別遂與朋知辭舊壑蘭杜
晚歸軒今已遲

潼關使院懷王七季友去冬岑參

王生今才子時輩咸所仰何當見顏色終日勞
夢想驅車到關下欲往阻河廣滿目徒春華思
君罷心賞開門見太華朝日映高掌忽覺蓮花
峯別來更如長無心顧微祿有意在獨往不負
林中期終當出塵網

青山峽口泊舟懷狄侍御岑參

峽口秋水壯沙邊且停橈奔濤振石壁峯勢如
動搖九月蘆花新彌令客心焦誰念在江島故
人滿天朝無處豁心曾憂來醉能銷往來巴山
道三見秋草彫狄生新相知才調凌雲霄賦詩
柝造化入幕生風飈把筆判甲兵戰士不敢驕
皆云梁公後遇鼎還能調離別倏經時音塵殊
寂寥何當見夫子不歎鄉關遙

暫如臨邑至峭山湖亭奉懷李員外率

爾成興

杜甫

野亭逼湖水歇馬高林間
鼉吼風奔浪魚跳日
映山暫遊阻詞伯却望懷
青關靄靄生雲霧唯
應促駕還

宿青谿驛奉懷張員外十五兄之緒

杜甫

漾舟千山內日入泊荒渚
我生本飄飄今復在
何許石根青楓林猿鳥聚
儔侶月明遊子靜畏
虎不得語中夜懷友朋
乾坤此深阻浩蕩前後

間佳期付荆楚

有懷台州鄭十八司戶虔杜甫念寫

天台隔三江風浪無晨暮
鄭公縱得歸老病不
識路昔如水上鷗今若
置中兔性命由他人悲
辛但狂顧山鬼獨一脚
蝮蛇長如樹呼號傷孤
城歲月誰與度從來禦
魑魅多爲才名誤夫子
稽阮流更被時俗惡海
隅微小吏眼暗髮垂素
黃帽映青袍非供折腰
具平生一杯酒見我故
人遇相望無所成乾坤
莽迴互

雪中懷孟武昌
元結

冬來三度雪農者歡歲稔我麥根已濡各得在
倉廩天寒未能起孺子驚人寢云有山客來籃
中見冬草燒柴爲溫酒煮鰕爲作潘客亦愛杯
樽思君共杯飲所嗟山路閑時節寒又甚不能
苦相邀興盡還就枕

憶舍弟
于逃

衰門少兄弟兄弟唯兩人饑寒各流浪感念傷
我神夏期秋未來安知無他因不願別天長但

願見爾身茫茫天地間萬類各有親安知汝與
我乖隔同胡秦何時對形影憤懣當共陳

秋宵月下懷
孟浩然

秋空明月懸光彩露霑濕驚鵲棲未定飛螢捲
簾入庭槐寒影疎鄰杵夜聲急佳期曠何許望
望空佇立

望月有懷
李白

清泉映疎松不知幾千古寒月搖輕波流光入
牕戶對此空長吟思君意何深無因見安道興

盡愁人心

日夕山中忽然有懷

李白

久臥名山雲遂爲名山客山深雲更好賞弄終
日夕月銜樓閣峯泉漱階下石素心自此得真
趣非外惜懸啼桂方秋風滅籟歸寂緬思漢厓
術欲往滄海隔雲車來何遲撫已空歎息

南池夜宿思王屋青蘿舊齋

岑參

池上臥煩暑不櫛復不巾有時清風來自謂羲
皇人天晴雲歸盡雨洗月色新公事常不閑道

書日生塵早年家王屋五別青蘿春安得還舊
山東谿壘釣綸

峨眉東脚臨江聽猿懷二室舊廬

岑參

峨眉煙翠新昨夜秋雨洗分明峯頭樹倒插秋
江底久別二室間圖他五斗米哀猿不可聽北
客欲流涕

安西館中思長安

岑參

家在日出處朝來起東風風從帝鄉來不異家

信通絕域地欲盡孤城天遂窮彌年但走馬終
日隨飄蓬寂寞不得意辛勤方在公胡塵淨古
塞兵氣屯邊空鄉路眇天外歸期如夢中遙憑
長房術爲縮天山東

下外江舟懷終南舊居

岑參

杉冷曉猿悲楚客心欲絕孤舟巴山雨萬里陽
臺月水宿已淹時蘆花白如雪顏容老難顏把
鏡悲鬢髮早年好金丹方士傳口訣敝廬終南
下久與真侶別道書誰更開藥竈煙遂滅項來

厭塵網安得有仙骨巖壑歸去來公卿是何物

憶秋浦桃花舊遊時竄夜郎

李白

桃花春水生白石今出沒搖蕩女蘿枝半搖青
天月不知舊行徑初拳幾枝蕨三載夜郎還於
茲鍊金骨

落日憶山中

李白

雨後煙景綠晴天散餘霞東風隨春歸發我枝
上花花落時欲暮見此令人嗟願遊名山去學

道飛丹砂

春滯沅湘有懷山中 李白

沅湘春色還風煖煙草綠古之傷心人於此腸
斷續予非懷沙客但美采菱曲所願歸東山寸
心於此足

和使君五郎西樓望遠思歸

王維

高樓望所思目極情未畢枕上見千里牕中窺
萬室悠悠長路人曖曖遠郊日惆悵極浦外迢

遞孤煙出能賦屬上才思歸同下秩故鄉不可
見雲水空如一

思歸

趙微明

為別未幾日一日如三秋猶疑望可見日日上
高樓唯見分手處白蘋滿芳洲寸心寧歿別不
忍生離憂

傷春懷歸

獨孤及

誰謂鄉可望望在天地涯但有時命同萬里共
歲華昨夜南山雨殷雷坼萌芽源桃不余欺先

發秦人家寂寂戶外掩遲遲春日斜源桃默無
言秦人獨長嗟不惜中腸苦但言會合賒思歸
吾誰訴笑落南枝花

憶崔郎中宗之遊南陽遺吾孔子琴撫
之潛然感舊

昔在南陽城唯餐獨山蕨憶與崔宗之白水弄
素月時過菊潭上縱酒無休歇泛此黃金花顏
然清歌發一朝摧玉樹生灰殊飄忽畱我孔子
琴琴存人已沒誰傳廣陵散但哭邙山骨泉戶

何時明長歸孤兔窟

盛唐彙詩卷第十

四唐彙詩八十

國

上海圖書館藏

何遜

詩集

卷

之

四

上

何遜

詩集

卷

之

四

上

